

鮮州

鶴居録

水

書	冊	號
四	一	二
	〇	五
學校	縣中	滋賀

二五

7776
16
Vol 3

校立彦

欽定四庫全書

時論道起義兵討賊者甚衆在全羅道者前判次事

金鑑僉知高敬命前寧海府使崔慶會千鑑字士

重率兵先至京畿朝廷嘉之賜其軍號曰倡義已而

不能軍入江華敬命字而順孟夷之子有文才亦率

鄉兵移檄郡縣討賊與賊戰敗死其子從厚代領其

衆名曰復讎軍慶會後爲慶尚右兵使死於晉州其

在慶尚道者玄風人郭再佑高靈人前佐郎金沔陝

川人前掌令鄭仁弘禮安人前翰林金垓校書正字

柳宗介草溪人李大期軍威校生張士珍再佑越之

子頗有才略累與賊戰賊憚之固守鼎津使賊不得入宜寧界人以爲再佑之功汚故武將世文之子禦賊于居昌牛脊峴累却賊事聞擢爲右兵使病卒於軍中宗介起兵未久遇賊而死朝廷嘉其志贈禮曹參議士珍前後射殺賊兵甚多賊稱爲張將軍不敢入軍威界一日賊設伏誘之士珍窮追陷伏中猶大呼力戰矢盡賊擊斷士珍一臂士珍獨以一臂奮擊未已遂死事聞贈水軍節度使其在忠清道者僧人璽奎前提督官趙憲前清州牧使金弘敏庶孽李山謙士人朴春茂忠烈人趙德恭內禁衛趙雄清州人

李逢昊奎勇力善鬪與憲復清州後爲賊所敗皆死雄尤勇敢能馬上立馳殺賊頗多戰死其在京坊者前司諫禹性傳前正鄭叔夏水厚人崔屹高陽人進士李魯李山輝前牧使南彦經幼學金塚前正即俞大進思義衛李軼庶孽洪季男士人王玉季男寂號勇其餘各聚卿里或百餘人或數十餘人以義爲名者不可勝數而無可紀之績皆遷徙日閱而已又有僧人惟政在金剛山表訓寺賊入山中寺僧皆走惟政不動賊不敢逼或合掌致敬而去余在安州移文四方使各起兵赴難文至山中惟政展佛桌上呼諸

僧讀之流涕遂起僧軍西赴勤王比至平壤衆千餘人屯平壤城東與順安軍作爲形勢又有宗室湖城監率百餘人赴行在朝廷陞秩爲湖城都正使屯順安與大軍合勢其在北道者評事鄭文孚訓戎僉使高敬民功最多云

既陷渡江而南入黃海道從安岳至海州又自海州至江原道伊川從世子募得兵數百聞賊入平壤久不出而天兵將至遂還平壤結陣於林原坪在平壤東北十餘里與義兵將高忠卿等連勢頗有斬獲而

李蒼在順安每進兵輒比撫軍司從官皆欲以鎰代贖元帥金命元獨主李蒼與撫軍司論議不協頗有相激之端朝廷使余往順安軍中使之鎮定調輯既而朝議皆言鎰勝贖又聞天兵將出恐蒼不勝任遂以鎰代之朴名賢代領鎰軍而蒼還行在

獲賊諜金順良余自安州遣軍官成男持傳令密約進取事于水軍將金億秋時十二月初二日也戎曰六日內回繳過期不繳追成男詰之成男云已使江西軍人金順良還納又捕順良來問傳令安在其人故作迷罔狀言辭流遁成男曰此人持傳令出數日

還軍中牽一牛來與同伴屠食人問牛何來順良答曰吾牛而寄養族人家故還取耳今聞其言蹤跡可疑余始令拷掠而嚴鞠之乃吐實曰小人爲賊間其日受傳令及秘密公文直入平壤示賊今將置傳令案上公文則見即扯裂賞一牛同爲間者徐漢龍賞絀五匹約吏探外事期十五日來報故聽出矣余問爲間者獨汝乎更有幾人對曰凡四十餘輩每散出順安江西諸陣以至肅川安州義州無不習穿行走隨事輒報余大駭即狀啓又按名急通諸陣捕之或得或逸斬順良於城外不久天兵至而賊不知蓋其

類駭散故耳茲亦事機之偶然者莫非天也

十二月天朝大發兵以兵部右侍郎宋應昌爲經略兵部員外郎劉黃裳主事袁黃爲贊畫軍務駐遼東提督李如松爲太將率三營將李如柏張世爵楊元及南將賂尚志吳惟忠王必迪等渡江兵數四方餘先是沉惟敬既去倭果斂兵不動既而過五十日惟敬不至倭疑之聲言歲時將飲馬鴨綠江自賊中逃回者皆言賊大修攻城之具人以益懼十二月初惟敬又至再入城中留數日更相約誓而去所言不聞至是兵至安州下營於城南旌旗器械整肅如神余

德風錄卷三
請見提督白事提督在東軒許入乃傾然丈夫也設
椅相對余袖出平壤地圖指示形勢兵所從入之路
提督傾聽輒以朱筆點其處且曰倭但恃烏銳耳我
用大砲皆過五六里賊何可當也余既退提督於扇
面題詩寄余云提兵星夜渡江于爲說三韓國未安
明主日懸旌節報微臣夜釵酒杯歡春來殺氣心猶
壯此去妖氛膏已寒談笑敢言非勝筭夢中常憶跨
征鞍時城中漢兵皆滿余在百祥樓夜半忽有唐人
持軍中密約三條來示問其姓名不告而去提督使
副總兵查大受先往順安給倭奴曰天朝已許和沉

遊擊且至倭喜玄蘇獻詩曰扶桑息戰服中華四海
九州同一家喜氣忽消寰外雪乾坤春早大平花時
祭已春正月初吉也使其小將平好官領二十餘倭
川迎沉遊擊于順安查總兵誘與飲酒伏起縱擊之
擒平好官斬戮從倭幾盡二人逸馳去賊中始知兵
至大擾時大軍已到肅川日暮方下營做飯報至提
督營中鳴弦即以數騎馳赴順安諸營陸續進發翌
日朝進圍平壤攻普通門七星門賊登城上列豎紅
白旗拒戰天兵以大砲火箭攻之砲聲震地數十里
山岳皆動火箭布空如織烟氣蔽天箭入城中處々

火起林木皆焚，略尚志、吳惟忠等率親兵蟻附登城。前者隆後者升，莫有退者。賊乃槩下垂城堞如蝟毛。天兵戰益力，賊不能支，退入內城，斬戮焚燒，死者甚衆。天兵入城攻內城，賊於城上爲土壁，多穿孔穴，望之如蜂窠。從穴中銳丸亂發，天兵多傷。提督慮窮寇致死，收軍城外以開走路。其夜賊乘水過江遁去。先是余在安州聞太兵將出，密報黃海道防禦使李時言金敬老使邀其歸路，戒之日：兩軍沿途設伏，俟賊過，蹶其後，賊飢困遁走，無心戀戰，可盡就縛。時言即至，敬老辭以他事，余又遣軍官姜德寬督之。敬老不

得已，亦來中和。賊退前一日，因黃海道巡察使柳永慶，閱還走載寧時，永慶在海州欲自衛，而敬老憚與賊戰，避去。賊將平行長平、義智、玄、蘇、平、調、信等率餘衆，連夜遁還，氣之足，爾跛躄而行，或匍匐田間，指尸乞食。我國無一人出擊。天兵又不追之。獨李時言尾其後，不敢逼，但斬飢病落後者六十餘級。是時倭將之在都城者，平、秀、嘉、乃、閔、白、姪、或言塔也。牟幼不能主事軍務，制在行長。而清正在咸鏡道未還，若行長、義智、玄、樞等就擒，則京城之賊自潰。京城潰則清正、歸路斷絕，軍心洶懼，必沿海遁走，不能自拔。漢江以

南賊屯次第尾解天兵鳴鼓徐行直至金山痛飲而
已俄頃之間海岱肅清安有數年之紛々哉一夫不
如意事閱天下良可痛惜余狀啓請斬金敬老蓋余
爲平安道體察使敬老非管下故先請之朝廷遣宣
傳官李純一持標信至開城府欲誅之先告于提督
提督曰其罪應死然賊未滅一武士可惜姑令白衣
從軍使之立功贖罪可也爲咨文授純一而送

逆李鎰巡邊使更以李賞代之平壤之戰天兵從普
通門而入李鎰及金應瑞等從含毬門而入及取兵
皆退屯城外夜賊遁去明朝始覺之李提督答我軍

不警守使賊遁去而不知於是天將之曾往來順安
與李賞相熟者爭言鎰非將才獨李賞可提督移咨
言狀朝廷使左相尹斗壽至平壤問鎰罪欲行軍法
良久釋之更以賞代鎰選兵三千騎從提督而南

李提督追兵坡州與賊戰於碧蹄南不利還屯開城
初平壤既復大同以南沿途賊屯皆遁去提督欲追
賊謂徐曰大軍方前進而聞前路無糧草議政既爲
大臣當念國事不可憚勞宜急行準備軍糧勿致踈
誤余辭出時天兵先鋒已過大同江而南篋槍塞路
不可行余委曲疾行出軍前夜入中和至黃列已三

鼓與時賊兵新退，一路荒虛，人民未集，計無所出。急移文于黃海監司柳永慶使之催運，又移文于平安監司李元翼調發金應瑞等所率軍人之不堪戰陣者，自平壤負戴追隨，送至黃州。又令舡運平安道三縣之穀，從青龍浦輸運於黃海道，事非預辨。臨時猝急，而大軍隨至，恐乏軍興爲之勞心焦思，永慶頗有儲峙畏賊，散置山谷間，督民輸至沿途，不至闕乏。既而大軍入開城府，正月二十四日，賊疑我民爲之內應，且念平壤之敗，盡殺京城中民庶，焚燒公私閭舍，殆盡。而西路列屯之賊皆會，京城謀拒王師，余連請

提督速進。提督遲徊者累日，進至坡列。五日，副總兵查大受與我將高彥伯領兵數百先行偵探，與賊相遇於碧蹄驛南礪石嶺，斬獲百餘級。提督聞之，留大軍獨與家丁騎馬者千餘馳赴之。過惠陰嶺，馬蹶墮地，其下共扶起之時，賊匿大衆於礪石嶺後，只數百人在嶺上。提督望見揮其兵爲兩翼而前，賊亦自嶺而下，漸相逼。後賊從山後遽上山陣，幾方餘天，兵望之心懼而已。接又不可解。時提督所領皆北騎，無火器，只持短劍鈍刀。賊用步兵，又皆三四尺精利無比。與之突鬪，左右揮擊，人馬皆靡，無敢當其鋒者。提督

見勢危急徵後軍未至而先軍已敗死傷甚多賊示
收兵不急追日暮提督還坡州雖隱其敗而神氣沮
甚夜以家丁親信者戰死痛哭明日欲退軍東坡余
與右議政俞泓都元帥金命元帥李賞等至帳下提
督出立帳外諸將左右立余力爭曰勝負兵家常事
當觀勢更進奈何輕動提督曰吾軍昨日多殺賊無
不利事但此地經雨泥濘不便駐軍所以欲還東坡
休兵進取耳余及諸人爭之固提督出示已奏本草
其中有一曰賊兵在都城者二十餘方衆寡不敵未又
言臣病甚請以他人代其任余駭而以手指點曰賊

兵甚少何得有二十萬提督曰我豈能知之乃汝國
人所言也蓋託辭也諸將中張世爵尤勸提督退兵
以余等固爭不退以足蹴巡邊使李賞叱退聲色俱
厲是時大雨連日且賊燒道邊諸山皆凡々無蒿草
重以馬疫數日間倒殞者殆將萬匹是日三營還渡
臨津陣于東坡驛前明日自東坡又欲還開城府余
又力爭曰大軍一退則賊氣愈驕遠近驚惧臨津以
北亦不可保願少駐觀釁以動提督佯許之余既退
而提督跨馬遂還開城府諸營悉退開城獨副總兵
查大受遊擊毋承宣軍數百守臨津余猶留東坡且

遣人請更進兵提督謾應之曰天晴路乾則當進然實無進意大軍到開城府日久軍糧已盡惟從水路括粟及芟草於江華又舩運忠清全羅道稅糧稍々而至隨到隨盡其勢愈急一日諸將以糧盡爲辭請提督旋師提督怒呼余及戶曹判書李誠中京畿龍監司李廷馨跪庭下大色詰責欲加以軍法余推謝不已因念國事至此不覺流涕提督愍然更恣諸將曰汝等昔從我征西夏時軍不食累日猶不敢言歸卒成大功今朝鮮偶數日不支糧何敢遽言旋師耶汝輩欲去則去我非滅賊不還惟當以馬革裹尸耳

諸將皆頓首謝余出門以放糧不時杖開城經歷沈禮謙繼而糧舩數十隻自江華泊後西江僅得無事是夕提督使總兵張世爵召余慰之且論軍事提督還平壤時賊將清正尚在咸鏡道有人傳言清正將自咸興踰陽德孟山襲平壤時提督有北還意未得其機因此聲言平壤乃根本若不守大軍無歸路不可不救遂回軍還平壤留王必迪守開城謂接待使李德馨曰朝鮮之軍勢孤無援宜悉還江北是時全羅巡察使權慄在高陽幸州巡邊使李贄在坡烈高彦伯李時言等在嶺踰嶺元帥金命元在臨津

南余在東坡提督恐為賊所乘故云然余使從事官辛慶晉馳見提督陳不可退軍者五先王墳墓皆在畿甸淪於賊藪神人望切不忍棄去一也京畿以南也我國境土尺寸不可容易棄之二也將士雖力弱方欲倚仗天兵共圖進取一聞撤退之令必皆怨憤離散四也一退而賊乘其後則雖臨津以北亦不可保五也提督默然而去

全羅道巡察使權慄敗賊于幸州移軍坡州先是慄以光州牧使代李洸為巡察使率兵勤王懲李洸等野戰而敗至水原據禿城山城不敢攻乃聞天兵將入京城渡江陣于幸州山城至是賊從京城大出攻之軍中洶懼欲散而江水在後無走路不得已還入城力戰矢雨下賊分為三陣迭進皆敗會日暮賊還入京城慄令軍士取賊屍磔裂肢體散掛林木以泄其憤既而聞賊欲更出期必報甚懼毀營柵率軍至臨津從都元帥金命元余聞之單騎馳去登坡州山城觀形勢以為當大路之衝而地形斗絕可據即令權慄與巡邊使李蒼合軍據守以遏賊兵西下防禦使高彥伯李時言助防將鄭希玄朴名賢等為遊兵

遮嶺踰嶺義兵將朴惟仁尹光正李山輝等從右路
伏於敬昌陵之間各以其兵出沒抄擊賊多出則避
而不戰少出則隨處邀擊自是賊不得出城樵採馬
死者甚多又令倡義使金千鎰京畿水使李贊忠清
水使丁傑等乘舟從龍山西江以分賊勢忠清道巡
察使許頊在陽城令還護本道以備賊南衝之勢移
文京畿忠清慶尚官義兵使各在其處從左右邀截
賊路楊根郡守李汝讓守龍津凡諸將所斬賊首皆
懸掛於開城府南門之外提督參軍呂應鍾見之喜
曰朝鮮人今則取賊首如割毬矣一日賊從東門大

出搜山自揚州積城至大灘無所得查大受恐賊來
襲報余曰有休探人來言賊欲得查總兵柳休察云
姑避開城如何余答之曰休探人所言恐無此理賊
方疑大軍往迨豈敢輕易渡江我等一動則民心必
搖不如靜以待之查笑曰此言甚是假令有賊吾與
休察死生同之豈敢獨去遂分所率勇士數十餘人
來護余雖雨甚達夜警守不暫息至聞賊入城乃罷
其後賊探知權慄在坡州欲報怨率大軍從西路而
出至廣灘去山城數里往兵不進自午至未不攻還
退後不復出蓋賊知地形見慄所據險絕故耳余移

書王必迪言賊方據險固未易攻太兵當進住東坡
坡刈蹶其尾以牽綴之選南兵一萬從江華出於漢
南乘賊不意擊破諸屯則京城之賊歸路斷絕必向
龍津而走自以後兵覆諸江津可一舉掃滅必迪擊
節稱奇策發偵探軍三十六名馳往忠清道義兵將
李山謙陣察賊形勢時賊精兵皆在京城而後屯皆
羸疲實弱偵卒踊躍還報云不須一萬只得二三千
可破李提督北將也是役也彌抑南軍恐其成功不
許
請發軍糧餘粟賑救飢民許之時賊據京城已二年

鋒焰所被千里蕭然百姓不得耕種餓死殆盡城中
餘民間余在東坡扶箕擔水而至者不計其數查總
兵於馬山路中見小兒匍匐飲死母乳哀而收之育
於軍中謂余曰倭賊未退而人民如此將奈何乃嘆
息曰天愁地慘矣余聞之不觉流涕時大兵將再至
糧船之自南方來者皆列泊江岸不敢他用適全羅
道召募官安敏學募得皮穀千石船運而至余喜甚
即狀啓請以此賑救飢民以前郡守南宮惲爲監賑
官取松葉爲屑每松屑十合合米屑一合投水以飲
之人多穀少所活無幾唐將亦哀之自介所食軍糧

三十石賑給百不能及一又日夜大雨飢民在余右哀吟呻楚不可忍聞朝起視之狼藉而死者甚多慶尚右道監司金誠一亦遣前典藉李魯告急于余曰欲糶全羅尤道之穀賑濟飢民且爲春耕種子而全羅都事崔鐵堅不肯賑貸時知事金瓚爲体察副使在湖西余即移文于瓚令馳下全羅自發南原等倉移一萬石于嶺南以救之大抵自京都至南邊賊兵橫貫時方四月人民皆登山入谷無一種麥之處使賊更數月不退則生類盡矣

沉遊擊惟敬再入京城誘賊退兵四月初七日提督

率兵自平壤還開城府先是金千鎰陣中有李葵忠者自請入京探候賊情得見王子及長溪君黃廷或等還言賊有講和意既而賊投書於龍山舟師乞和千鎰送其書於余余念提督已無戰意或欲假此而却賊則未必不更還開城度幾了事以其書示查大受查即使家丁李慶馳報平壤於是提督又使惟敬來金命元見惟敬曰賊忿平壤見欺必有不善意何可更入惟敬曰賊自不速退故敗何預我也遂入在賊中所言雖不聞大槩責還王子陪臣還軍金山然後許和賊請奉約束提督遂還開城余呈文提督

極言和好非計不如擊之提督批示曰此先得我心之所同然者然無聽用意又使遊擊將軍周弘謨往賊營余與金元帥適在權慄陣中遇於坡州弘謨使余等入參旗牌余曰此是入倭官旗牌我何為參拜且有宋侍郎禁殺賊牌文尤不可承受弘謨強之三四余不答騎馬還東坡弘謨使人于提督言狀提督大怒曰旗牌乃皇命雖獫狁見輒拜之何為不拜我行軍法然後回軍接伴使李德馨急報於余曰朝日不可不來謝明也余與金元帥往開城詣門通名提督怒不見金元帥欲退余曰提督應試余姑待之時

小爾余二人拱立門外有頃提督之人出門覘視而入者再俄而許入提督立于堂上余就前行禮仍謝曰小的雖甚愚劣豈不知旗牌為可敬但旗牌傍有牌文不許我國人殺賊私心竊痛之不敢參拜罪無所逃提督有慙色乃曰此言甚是牌文乃宋侍郎令不關吾事曰曰此間流言甚多侍郎若聞陪臣不參旗牌我容而不問則必并責我須為呈文略辨事情來脫侍郎有問吾以此解之不問則置之余二人拜辭而退依所言呈文自此提督遣人往來倭陣相續一日余與元帥往候提督還東坡到天壽亭前遇查

將家丁李慶自東坡入開城馬上相揖而過至招賢
里有漢人三騎自後馳來喝問体察使安在余應之
曰我是也叱回馬一人手持鐵鎖以長鞭亂捶余馬
曰走走余不知何意只回馬向開城而走其人從馬
後鞭之不已從者皆落後獨得軍官金霽從事辛慶
晉盡力追隨過青郊驛將至土城隅又有一騎自城
內走馬而至謂三騎曰云云於是三騎揖余曰可去
矣余恍然不測而回登自曰李德馨通示始知之提
督信任家丁自外入謂提督曰柳体察不欲講和悉
去臨津船隻勿令通使於倭官提督遽發怒欲拿余

搥打四十當余之未至也提督瞑目奮臂或坐或起
左右皆慄有頃李慶至提督問臨津有船否慶曰有
船往來無阻提督即使人止追余者謂家丁妄言痛
打數百氣絕曳出悔其怒余謂人曰若体察使來到
吾當何以處之蓋提督常謂余不肯和議素有不平
心故終聞人言不復省察暴怒如此人皆爲余危之
後數日提督又使遊擊戚金錢世禎二人以旗牌至
東坡招余及金元帥李觀察廷聲同坐因從容言賊
請出王子倍臣退還京城而去今當從其所請給賊
出城然後行計追勦乃提督使之來探余意肯否也

余猶執前議往復不已世禎性躁發怒大罵曰然則
爾國主何以弃城迎避耶余徐曰遷國圖存亦或一
道是時戚金但數之視余與世禎微笑而無言世禎
等遂回四月十九日提督領大軍至東坡宿于查總
兵幕蓋賊已約退兵故將入京城也余詣提督下處
問候提督不見謂譯者曰体察使不快於予亦來問
耶

四月二十日京城復天兵入城李提督館於小公主
宅後林南別宮前一日賊已出城矣余隨入城見城中遺
民百不一存其存者皆飢羸疲困面色如鬼時日氣

烘熱人死及馬死者處處暴露臭穢滿城行者掩鼻
方過公私廬舍一空獨自崇禮門以東循南山下一
帶賊所止舍處稍存宗廟三闕及鐘樓各司館宇在
大街以北者蕩然惟餘灰燼而已小公主宅亦倭將
秀嘉所止故見遺余先詣宗廟痛哭次至提督下處
見伺候諸臣號慟良久明朝更詣提督門下問起居
且言賊兵纔退去此應不遠願發軍急追提督曰吾
意固然所以不急追者以漢江無船故耳余曰如老
爺欲追賊早職當先出江面整備舟艦提督曰甚善
余出漢江先是余行文京畿右監司成泳水使李蘋

令賊去急收江中大小船毋失俱會漢江是時船已
到者八十隻余使人報提督船已辦食頃營將李如
栢率萬餘兵出江上軍士半渡日已向暮如栢忽稱
足疾乃日當還城中疾可進乘輜而回已在漢南
軍皆還渡入城余痛心而無如之何蓋提督實無意
追賊但以謾辭給應而已二十三日余遂病臥
五月李提督追賊至聞慶而回宋侍郎始發牌文於
提督使之追賊時賊去已數十日侍郎恐人議已縱
賊不追故作如此舉止以示之其實畏賊不敢進而
回賊在途緩令而去或留或行我軍之在途途者皆

左右屏迹無敢出擊者賊退分屯於海邊自蔚山西
生浦至東萊金海熊川巨濟首尾相連凡十六屯皆
依山憑海築城掘塹爲久留計不肯渡海天朝又使
泗川總兵劉繼率福建西蜀南蠻等處召募兵五千
繼出屯星川八莒南將具惟忠屯善山鳳溪李寧祖
承訓葛逢夏屯居昌駱尚志王必迪屯處川環四面
而相持不進糧餉取之兩湖踰越險阻散給諸陣民
力爲困提督又使沉惟敬往諭倭令渡海又使徐一
貫謝用梓入那古邪見閔白六月賊始還兩王子臨
海君順和君及宰臣黃廷或黃赫等遣沉惟敬歸報

而一面進圍晉州。邑言報前年賊敗之怨，蓋賊於壬辰圍晉州，牧使金時敏禦之，不克而退，故云然也。八日而城陷，牧使徐禮元判官成守璟倡義使金千鎰本道兵使崔慶會忠清兵使黃進義兵復讎將高從厚等皆死，軍民死者六萬餘人，牛馬雞犬不遺，賊皆夷城填壕，堙井刊木以快前憤。時六月二十八日也。初，朝廷聞賊南下，連下旨督諸將追賊都元帥金命元巡察使權慄以下官義兵皆聚於宜寧，慄徂於幸州之捷，欲渡歧江前進。郭再佑高彥伯曰：賊勢方盛，我軍多烏合，堪戰者少，前頭又無糧餉，不可輕進。他

人依違而已。李膺從事成好善，駭不曉事，奮臂責諸將逗遛，與權慄議合，遂過江進至咸安。城空無所得，諸軍乏食，摘青柿實以食，無復關心矣。明日諜報賊從金海大至，衆或言當守咸安，或言退守甯津，紛紜不決而已。聞賊砲響，人人洶懼，爭出城墜吊橋死者甚多。還渡鼎津，望見賊兵從水陸來蔽野塞川，諸將各自散去。權慄命元李膺崔遠等先向全羅道，惟金千鎰崔慶會黃進等入晉州，賊隨至圍之。牧使徐禮元判官成守璟以唐將支持，羌使員久在尚州，聞賊向本州狼狽而還。總二月矣。州城本四面據險，壬

辰移東面下就平地至是賊立飛樓八座俯瞰城中
州城外竹林作大束環列自蔽以防矢石從其內發
烏銳如雨城中不敢出頭又千鎰所率皆京城市井
召募之徒千鎰又不知兵事而自用太甚且素惡徐
礼元主客相猜號令乖違是以甚敗惟黃進守東城
敢戰數日爲飛丸所中死軍人奪氣而外援不至適
天雨城壞賊蟻附而入城內人方束荆投石極力禦
之賊幾却千鎰軍守北門意城已陷先潰賊在山上
望見軍潰一擁而登諸軍大亂千鎰在轟石樓與崔
慶會攜手痛哭赴江死軍民得脫者數人而已自倭

變以來人死未有如此戰之甚者朝廷以千鎰死義
贈以崇秩議政府右贊成又以權慄敢戰不畏賊代
命元爲元帥劉總兵綖聞晉陷自八百里馳至陝川吳
惟忠自鳳溪至草溪以護右道賊亦既破晉州還金
山邑言待天朝許和乃渡海云

十月車駕還都十二月天使行人司行人司憲來先
是沉惟敬挾倭將小西飛持閔白降表而歸天朝疑
降表非出於閔自行長等詐爲之又惟敬終至而晉
州見陷納欵之意不誠留小西飛於遼東久不報提
督及諸將皆還去惟劉綖吳惟忠王必廸等萬餘兵

駐劄八莒而中外飢甚且困於饋運老弱轉溝壑壯者爲盜賊重以癘疫死亡殆盡至父子夫婦相食暴骨如莽未幾劉軍自八莒移南原又自南京還都城留十餘日逡巡西去而賊猶在海上人心益恐於是經畧宋應昌被劾去新經畧顧艱謙代至遼東遣參將胡澤以劄付來論我羣臣其畧曰倭奴無端侵僉勢如破竹據王京開城三都會有僉土地人民十八九虜爾王子陪臣皇上赫怒興師一戰而破平壤再進而得開城倭奴竟遁王京送還王子陪臣復地二千餘里所費帑金不貲士馬物故亦不少朝廷之待

屬國恩義止此皇上罔極之恩亦已過矣今餉已不可再運矣兵已不可再用矣而倭奴亦畏威請降且乞封貢矣天朝正宜許之封貢容之爲外臣驅倭盡數渡海不復侵僉爾解焚息兵所以爲僉國久遠計也今爾國糧盡人民相食又何恃而請兵耶既不與兵餉於爾國又絕封貢於倭奴倭奴必發怒於僉國而僉國必亡安可不早自爲計耶昔勾踐之困於會稽也豈不欲食夫羗之肉乎而姑忍耻會詭以有待也身且爲臣也妻且爲妾也况爲倭奴請爲臣妾於中國以自寬而徐爲之圖是愈於勾踐君臣之謀也此

而不能忍是悻々小丈夫之見耳非復徯雪恥之英雄也爾爲倭請封貢若果得請則倭必益感中國而且德朝鮮必罷兵而去倭去而爾國君臣遂苦心焦思卧薪嘗膽以修句踐之業天道好還安知無報倭日也其言縷々千百大意如此胡澤在館三月餘朝議不決聖意愈難之臣時以病在告啓曰請封義固不可惟當詳具近日事情奏聞以聽中朝處置屢啓乃允於是陳奏使許瑣去時顧經略又以人言辭去新經略孫鏞來代兵部奏請收小西飛入京詰以三事一但求封不求貢二下倭不留釜山三永不復朝

乙未日
平文祿
四年

鮮如約即封不如約不可小西飛指天爲誓請邊約束遂令沉惟敬更帶小西飛入倭管宣諭又差李宗誠楊方亨爲上副使往封平秀吉日本國主而使宗誠等留我都城候倭盡撤方行乙未四月宗誠等至漢城連遣使促倭渡海項背相望於是倭先撤熊川數陣及巨濟場門蘓津浦等諸屯以示信且日恐如平壤見欺願天使速入倭管當悉如約八月楊方亨因兵部劄付先到釜山而倭遷延不即盡撤更請上使人多疑之兵部尚書石星信沉惟敬言意倭無異情又急於退兵屢促宗誠前去雖朝議多異而星奮

然以身當之九月宗誠繼至釜山平行長不即來見
又言將往復閱白定奪然後迎天使行長入日本丙
申正月始廻猶不明言撤兵事沉惟敬留二使又獨
與行長先行渡海託言將講定迎使禮節人莫能測
惟敬錦衣登舟旗上大書調戢兩國四字立船頭而
去既去久無回報李宗誠乃閱國功臣文忠之後以
切襲爵統緒子弟性頗恇或言於宗誠曰倭酋實
無受封意將誘致宗誠等拘囚而困辱之宗誠懼甚
夜半以微服出營盡棄僕從輜重卯節而逃翌朝倭
始覺分道追之至梁山石橋不得而回楊方亨獨留

倭營撫戢群倭且移文我國令勿驚動宗誠不敢由
大路竄入山谷中數日不食從慶州來西去既而沉
惟敬行長始廻又撤西生浦竹島等屯其未撤者只
釜山四屯乃挾楊副使過海沉惟敬又要我使同行
遣其姪沉懋時催發朝廷不肯懋時必欲與俱不得
已以武臣李逢春等稱跟隨陪臣以應之或謂武人
往彼中多失誤宜使文官識事理者往時黃慎以沉
接伴使在倭營就令慎隨行

天使楊方亨沉惟敬回自日本先時方亨等至日本
閱白盛飾館宇欲迎接會一夜地大震摧倒幾盡遂

按日本
慶長元年
年閏七月
月十二日
地震

迎候於他舍與兩使一舟會初若受封者然忽大怒曰我放還朝鮮王子朝鮮當使王子來謝而使臣秩甲是謾我也黃慎等不得傳命並促楊方亨沉惟敬等同回亦無謝恩天朝之禮賊將平行長回釜山浦清正復率兵繼屯西生浦邑言要王子來謝始解兵蓋閔酋所求甚大不止封貢中朝但詐封不許貢沉惟敬與平行長相熟欲臨事弥縫苟且成事而不以實情聞諸天朝與我國事竟不諧本國即遣使馳奏其言於是石星沉惟敬皆得罪而天兵再出矣
遂永軍統制使李舜臣下獄初元均德舜臣來救相

得甚懽既而爭功漸不相能均性險詖且多連結於中外構誣舜臣不遺餘力每言舜臣初不欲來因我固請乃至勝敵我爲首功時朝議分歧各有所主薦舜臣初爲余不悅余者與元均合攻舜臣甚力惟右相李元翼明其不然且曰舜臣與元均各有分守之地初不即進未足深非先是賊將平行長使卒倭要時羅往來慶尚右兵使金應瑞陣致殷勤方清正欲再出也時羅密言於應瑞曰我將行長言今此和事不成由於清正吾甚疾之某日清正当渡海朝鮮善水戰若要諸海中可以敗殺慎毋失也應瑞上其言

朝議信之海平君尹根壽尤踊躍以爲機會難失屢啓之連催舜臣前進舜臣疑賊有詐遲徊者累日至是要時羅又至曰清正今已下陸朝鮮何不要截佯致恨惜之意事聞廷議皆外舜臣臺諫請拿鞠慶尚道玄風人前縣監朴惺者亦承望時論上疏極言舜臣可斬遂遣義禁府都夏拿來元均代爲統制使上猶疑所聞不盡實特遣成均司成南以信下閑山廉察以信既入全羅道軍民遮道訟舜臣寃者不可勝數以信不以實聞乃曰清正留海嶼七日我軍若往可縛來而舜臣逗遛失機舜臣至獄命大臣議罪獨

判中樞府夏鄭琢言舜臣名將不可殺軍機利害難可遙度其不進未必無意請寬恕以責後效拷問一次減死削職充軍舜臣老母在牙山聞舜臣下獄憂悸而死舜臣出獄道過牙山成服即往權慄帳下從軍人聞而悲之

天朝以兵部尚書邢玠爲總督軍門遼東布政司楊錫爲經理朝鮮軍務麻貴爲大將楊元劉縱董一元等相繼而出丁酉五月楊元領三千兵先至留京城數日下全羅道駐守南原蓋南原據湖嶺之衝城頗堅完往時駱尚志又增築可守故也城外有蛟龍山

